



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXIII. Pro electione Consultorum, & Arbitri Congregationis Clericorum
Regularium Ministrantium Infirmis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Dat. P. An. 2.
die 9. Apr.

quæ ipsi præsentibus adhiberetur, si forent exhibitæ, vel ostensæ.
Datum Romæ apud S. Petrum sub Annulo Piscatoris, die 9. Aprilis 1657. Pontificatus Nostri Anno Secundo.

Datum Romæ apud Sanctum Petrum sub Annulo Piscatoris, die 14. Aprilis 1657. Pontificatus Nostri Anno Tertio.

Dat. P. An. 3.
die 14. Apr.

XXXII.

Quod in Regno Navarræ quotannis recolant Festa Sanctorum Firmini, Francisci Xaverii tanquam de Patronis atque Principalibus dicti Regni, ex præcepto Ecclesiæ.

Edita An. D.
1657.

ALEXANDER PAPA VII.

Ad perpetuam rei memoriam.

Exordium.

Sacrofancti Apostolatus Officii Nobis per abundantiam divinæ bonitatis, nullo licet Nostrorum suffragio meritorum impositi debitum exposcit, ut venerationi Sanctorum Domini in terris augendæ, necnon Christifidelium tranquillitati, & animorum concordie conciliandæ, quantum Nobis ex alto conceditur, studeamus.

§. 1. Itaque ad sedandas graves, & scandalosas contentiones, magno cum publicæ quietis, & animarum salutis discrimine in Regno Navarræ jamdiu super patronatibus Sanctorum Firmini Martyris, & Francisci Xaverii Confessoris excitationes, paterna charitate sedulo intenti, ac præterea considerantes, quod Congregatio Venerabilium Fratrum Nostrorum Sanctæ Romanæ Ecclesiæ Cardinalium Sacris Ritibus præpositorum, necnon dilecti filii Capellani Nostri, & Causarum Palatii Apostolici Auditores, re pluries maturè perpensa, acriterque discussa, probationes hinc inde allatas neutri partium satis suffragari, imò in pluribus eas deficiere dignoscens, rem ipsam etiam cum ingenti partium earumdem dispendio, gravique incommodo, nunquam, vel sero difficillimè terminandam, indecisam dimiserint.

§. 2. Motu proprio, non ad alicujus personæ Nobis super hoc oblatæ petitionis instantiam, sed ex certa scientia, & matura deliberatione Nostris deque Apostolicæ potestatis plenitudine, ac ex speciali gratia, tum prædictis, tum aliis ex causis Nobis tantum notis animum nostrum moventibus, Clero seculari, & regulari, necnon Universitatibus, & Populo Pampilonensi, totiusque Regni Navarræ hujusmodi harum serie injungimus, ut quotannis, tanquam de Patronis æquè principalibus dicti Regni ex præcepto Ecclesiæ recolant festa præfatorum Sanctorum Firmini Martyris, & Francisci Xaverii Confessoris, eorumdemque Officia, & Missas cum Octavis æquè in posterum recitent, & respectivè celebrent.

§. 3. Non obstantibus præmissis, ac Constitutionibus, & Ordinationibus Apostolicis: ac quantum opus sit dicti Regni, & aliis quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plenè, & sufficienter expressis, & ad verbum inferis habentes, illis aliàs in suo robore permanens, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

§. 4. Volumus autem, ut præsentium transcriptis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in Judicio, & extra adhibeatur, quæ præsentibus ipsi adhiberetur si forent exhibitæ, vel ostensæ.

Præcipit, ut
in rubr.

Contrariis
derogat.

Pro electione Consultorum, & Arbitri Congregationis Clericorum Regularium Ministrantium Infirmis.

XXXIII.

Horum Clericorum Capitulum quolibet sexennio celebrari mandavit Clem. VIII. Constit. 75. tom. 3.

ALEXANDER PAPA VII.

Ad futuram rei memoriam.

Edita An. D.
1657.

Exordium.

Pastoralis officii humilitati Nostræ per abundantiam divinæ bonitatis nullo licet meritorum Nostrorum suffragio impositi sollicitudo Nos admonet, ut Congregationibus Religiosorum viro- rum ad Omnipotentis Dei gloriam, exhibenda- que Christifidelibus charitatis officia piè institutis de idoneis ministris, qui earum utilitatibus sedulo invigilent, nonnunquam prout res, & tempora poscunt, provideamus.

§. 1. Cum itaque sicut dilectus filius Sanctus Cacciamanus Congregationis Clericorum regularium Ministrantium infirmis nuncupatorum Præpositus Generalis Nobis nuper exponi fecit Capitulum generale ejusdem Congregationis, quod die 4. Maji proximè venturi pro electione quatuor Consultorum, & Arbitri ipsius Congregationis juxta Constitutiones illius auctoritate Apostolica confirmatas, ac ejusdem Congregationis Provinciarum divisionem à Nobis per quædam in simili forma Brevis die 22. Novembris 1657. expeditas Literas factas in locum modernorum Consultorum, & Arbitri, qui vigore aliarum Nostrarum pariter in forma Brevis Literarum die 3. Februarii 1657. expeditarum officia sua respectivè usque ad diem 4. Maji hujusmodi, & non ultra continuare debent, celebrari deberet, ob impedimenta adhuc interdicti inter nonnullas Italiae regiones nuper contagii occasione commercii celebrari non possit.

§. 2. Hinc est, quod Nos Congregationi hujusmodi opportunè hac in re providere volentes, ac de infra nominatorum ejusdem Congregationis Religiosorum expressè professorum prudentia, rerum agendarum pericia, dexterritate, charitate, & religionis zelo plurimum in Domino confisi, auditaque super illorum qualitatibus, & requisitis Venerabilis fratris Nostri Julii Episcopi Sabinen. S. R. E. Cardinalis Sacchetti nuncupati Congregationis prædictæ apud Nos, & Sedem Apostolicam Prætoris relatione, necnon eorumdem Sancti Præpositi Generalis, & Religiosorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodate existunt ad effectum præsentium dumtaxat consequen. harum serie absolventes, & absolutas fore censentes. Supplicationibus dicti Sancti Præpositi Generalis nomine Nobis super hoc humiliter porrectis inclinati dilectos filios Cosmum Lenza Presbyterum pro Sicilia, Joannem Baptistam Barberis etiam Presbyterum pro Neapolitan., Vincentium Colli laicum pro Mediolanen., ac Joannem Mariam Poli etiam laicum pro Romana Provincie Congregationis prædictæ Consultores, necnon Joannem Stephanum Garibaldi Presbyterum dictæ Congregationis Religiosos expressè professos in Arbitrum ejusdem Congregationis pro Provincia Mediolanen. respectivè ad tempus, quo existentes pro tempore Congregationis hu-

Eligit Con-
sultores pro-
ut in rubr.

jusmodi Consultores, & Arbitri officia sua juxta regularia ipsius Congregationis Instituta auctoritate Apostolica confirmata gerere consueverunt, statim atque supradicti moderni Consultores, & Arbitri tempus suum respectivè compleverint, ut præmittitur, inchoandum Apostolica auctoritate tenore præsentium constituimus, & deputamus.

§. 3. Mandantes propterea in virtute sanctæ obedientiæ, ac sub indignationis Nostræ, aliisque arbitrii Nostræ poenis dicto Sanctio Præposito Generali, ac omnibus, & singulis memoratarum Provinciarum Religiosis, cæterisque, ad quos quomodo spectat, & spectabit in futurum, ut supra nominatos Religiosos ad officia eis per præfentes demandata exercenda respectivè recipiant, illisque faveant, & assistant. Ac decernentes easdem præfentes Literas firmas, validas, & efficaces existere, & fore, ac prænominatis Religiosis plenissimè suffragari, & ab illis, ad quos spectat, & pro tempore spectabit inviolabiliter observari. Sicque, in præmissis, per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 4. Non obstantibus præmissis, ac Constitutionibus, & Ordinationibus Apostolicis, necnon Congregationis, & Provinciarum hujusmodi, aliisque quibusvis, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis illorum tenores præsentibus pro plenè, & sufficienter expressis, & insertis habentes illis aliàs in suo robore permanens ad præmissorum effectum specialiter, & expressè derogamus, cæterisque contrariis quibuscumque.

Transumptis credi jubet.

§. 5. Volumus autem, ut præsentium transumptis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem fides in judicio, & extra illud ubique adhibeatur, quæ ipsis præsentibus adhibetur, si forent exhibitæ, vel ostensæ.

Dat. P. An. 3. die 1. Ap.

Datum Romæ apud S. Petrum sub Annulo Piscatoris, die 1. Aprilis 1657. Pontificatus Nostræ Anno Tertio.

XXXIV. Pro recta administratione bonorum ad Basilicas, & Collegiatis seculares Ecclesias Urbis pertinentium.

Edita An. D. 1657.

ALEXANDER PAPA VII.

Ad perpetuam rei memoriam.

Exordium.

PRO commissa Nobis divinitus dispensatione, Basilicarum, aliarumque Ecclesiarum Collegiatarum, & secularium Almae Urbis Nostræ utilitatibus sedulò invigilantes, ac probè perspectum habentes, exactam regendarum Ecclesiarum rationem summopere à Ministrorum electione dependere, nihilque magis conservationi, & augmento reddituum ex bonis temporalibus provenientium conducere, quàm si frequentius Capitula habeantur, quorum occasione omnes, & singuli Canonici præfentes instruantur circa rei communis commoda, & momenta, idoneique fiant ad prospiciendum emergentibus necessitatibus, tum opere, tum consilio.

Tempus, & formam præscribit.

§. 1. De Venerabilium fratrum Nostrorum S. R. E. Cardinalium, ac dilectorum filiorum Romanæ Curie Prælatorum super negotiis Visitationis

Apostolicæ Ecclesiarum, & aliorum locorum piorum dictæ Urbis à Nobis institutæ deputatorum consilio Apostolica auctoritate tenore præsentium mandamus, & præcipimus, ut in singulis Basilicis, ac aliis Ecclesiis Collegiatis, & secularibus ejusdem Urbis, tempore quidem æstivo, bis mense, extra tempus æstivum verò, singulis hebdomadis, statuta die, & hora post celebratam Missam conventualem, si ante meridiem, seu post expletum officium, si post meridiem, omnes Canonici respectivè interfint Capitulo, sub pena unius puncti pro quolibet absente, quod accrescat interessentibus, ultra id, quod quandoque dari solet pro ejusmodi præsentia; ibique tam Camerarii, Fabricerii, & Exactores, quàm alii Administratores bonorum Capituli communicent cæteris negotia, quæ sint alicujus momenti ad ipsam œconomiam spectantia. Referant Villici super eorum ministerio, illisque absentibus, legantur eorum Litteræ, & ipsi, si opus fuerit, vocentur ad Urbem. Audiantur Procuratores super statu litium, & causarum, Ratiocinator exhibeat folium dati, & accepti, ac credita, & debita cum Depositario, necnon notulam pecuniarum exigendarum, arisque alieni persolvendi: quæ omnia Canonici audientibus à Secretario legantur, ut omnes sint informati, ac invigilent bonorum administrationi, creditorum celeri exactiõni, ac debitorum suis temporibus solutioni. Negotia majoris momenti non nisi à Capitulo, & per secreta suffragia semper deliberentur, sub pena nullitatis, aliisque gravioribus Nostris, & pro tempore existentis Romani Pontificis arbitrio imponendis. Acta singulorum Capitulorum diligenter per Secretarium describantur in libro ad hoc designato, & in archivium singulis annis reponantur.

Pro electionibus faciendis.

§. 2. Electiones Officialium quorumcumque fiant semper per secretum scrutinium in aula Capitalari, & non nisi ad annum; nec prorogari possint, nisi ob legitimam causam, & per vota secreta: Administratores verò bonorum, reddituum, seu pecuniarum Ecclesiæ, quovis nomine appellentur, post annum confirmari non possint, nisi prius exhibita ratione dati, & accepti, & non ultra triennium. Porro nemini Canonicorum, aut Beneficiorum liceat officium, ad quod capitaliter electi fuerint recusare, aut illius exercitium differre, præterquam ob legitimum impedimentum ab eodem Capitulo per vota secreta approbandum, sub pena privationis omnium fructuum, distributionum, & emolumentorum quorumcumque eorum Canonicatus, & præbendæ, ac Beneficii respectivè per sex menses, quibus eo ipso privati censeantur, illaque accrescant iis, qui in eorum locum, & officium subrogati fuerint, quocumque recursum, & appellatione positum.

Admini- ratorum negligentium poenæ.

§. 3. Camerarii, Fabricerii, aliique Administratores debeant frequenter facere computa eorum œconomia, & in fine cujuslibet anni rationem reddere generalem Syndicis ad id deputatis, totique Capitulo: quam si non reddiderint per totum mensem Januarii anni sequentis, tam Camerarii, Fabricerii, & Administratores supradicti, quàm Syndici, si non insiterint, & negligentes fuerint in revisione computorum, amittant distributiones trium mensum, & ulterius donec adimpleverint, ac distributiones prædictæ cedant eo ipso in utilitatem Sacriliæ, teneanturque Sacristani sub pena solvendi de proprio, agere coram suis Judicibus pro solutione poenæ prædictæ. Quod si novi Camerarii mensatas non retinuerint, ad præscriptum præsentium Litterarum, teneantur in solidum refundere eidem Sacriliæ tantumdem de proprio, atque hæc obligatio omnium duret quousque rationes integrè reddantur, nec intelligantur redditæ, nisi fuerint producti libri dati, & accepti, ac residuorum, nominumque

debitorum,